

Dragi sugrađani,
Zovem se Salih Ahmić, i sa ponosom vam se obraćam kao kandidat za Općinsko vijeće Usora ispred pokreta Naprijed! Vođen sam željom da radim za dobrobit naše zajednice, da doprinesem stvaranju bolje budućnosti za sve nas. Moje poznanstvo i ugled koje sam stekao kroz rad i angažman u Usori, zajedno sa podrškom pokreta Naprijed! i našeg lidera Šemsudina Mehmedovića, daje mi sigurnost da mogu biti vaš glas i zagovarač u Općinskom vijeću.

Živimo u predivnoj zajednici koja ima ogroman potencijal, ali je suočena sa izazovima koji zahtijevaju odlučnu akciju i jasnu viziju. Kao mlada i energična osoba, posvećen sam radu na jačanju saradnje između Usore, Tešnja i Doboj Juga. Vjerujem da zajedničkim radom možemo otvoriti nove prilike za sve nas, posebno za mlade koji žele ostati, raditi i živjeti ovdje.

Zalažem se za stvaranje boljih prilika za zapošljavanje mladih, kroz razvoj lokalne privrede i privlačenje investicija. Vjerujem da obrazovanje i stalna edukacija moraju biti dostupni svima, kako bi se osiguralo da naši mladi ljudi budu konkurentni na tržištu rada i spremni za izazove budućnosti.

Jednako tako, smatram da su društvene aktivnosti ključne za jačanje zajedništva i povezivanja naših građana. Radit ću na unapređenju društvene infrastrukture, stvaranju novih prostora za druženje, kulturnih manifestacija i sportskih aktivnosti, kako bi Usora postala mjesto koje nudi bogat i sadržajan život za sve generacije.

Infrastruktura je također jedan od mojih prioriteta. Usora zaslužuje modernu, funkcionalnu i pouzdanu infrastrukturu koja će podržavati rast i razvoj naše općine. Radit ću na unapređenju putne mreže, vodosnabdijevanja i komunalnih usluga kako bismo svi imali kvalitetne uslove za život.

Uz podršku tima Naprijed! i Šemsudina Mehmedovića, uvjeren sam da zajedno možemo napraviti značajne promjene i osigurati svijetlu budućnost za našu Usoru. Pozivam vas da mi se pridružite na ovom putu i da zajedno izgradimo zajednicu na koju ćemo svi biti ponosni.

Srdačno,
Salih Ahmić



1 **Salih Ahmić**

Poštovani građani Usore,
Predstavljamo vam Saliha Ahmića, kandidata ispred Naprijed! Usora za Općinsko vijeće Usora. Rođen 14. februara 1991. godine u Tešnju, Salih je od ranih godina pokazivao izuzetnu posvećenost obrazovanju i radu. Nakon što je završio Osnovnu školu "Kulin Ban" na Tešanjci, sa odličnim uspjehom je 2009. godine završio srednju medicinsku školu u Tešnju. Njegova želja za daljim usavršavanjem odvela ga je na Ekonomski fakultet u Tuzli, ali se nakon godinu dana vratio u Tešanj gdje je odradio pripravnički staž na internom odjeljenju u Općoj bolnici Tešanj.

Salih je svoj prvi pravi posao ostvario 2013. godine u firmi Mann+Hummel, gdje je brzo napredovao zahvaljujući svojoj upornosti, trudu i zalaganju. Od radnika na montaži filtera, preko poslovođe na različitim pozicijama, do supervizora proizvodnje, Salih je postao prepoznatljiv po svojoj predanosti i profesionalizmu. Paralelno s napretkom na poslu, upisao je i uspješno završio Visoku poslovno-tehničku školu u Doboju, Smjer tehnički menadžment, čime je dodatno osnažio svoje stručne kompetencije.

Pored profesionalnih uspjeha, Salih se ističe i kroz edukacije iz oblasti ISO standarda u autoindustriji te sigurnosti i zaštite na radu, što dodatno potvrđuje njegovu posvećenost kvaliteti i sigurnosti u radnom okruženju. Salih živi sa majkom u Usori, a njegov otac, ratni vojni invalid, preselio je 2002. godine, ostavljajući Salihu čvrst oslonac u tradiciji i ljubavi prema rodnom kraju.

Salih Ahmić ima snažnu podršku lidera pokreta Naprijed BiH! državnog zastupnika g. Šemsudina Mehmedovića, koji u njemu vidi budućnost politike na području Usore. G. Mehmedović vjeruje da Salih može u potpunosti doprinijeti cijeloj zajednici i biti ključna snaga u ostvarivanju pozitivnih promjena.

Kao kandidat za Općinsko vijeće, Salih Ahmić se zalaže za unapređenje lokalne zajednice kroz kvalitetno obrazovanje, podršku mladima u zapošljavanju i jačanje privrednog sektora u Usori. Njegovo iskustvo u privredi, obrazovanje i posvećenost radu čine ga pravim izborom za budućnost Usore. Podržite Saliha i tim Naprijed! Usora, jer zajedno možemo ostvariti bolju i prosperitetniju budućnost za sve nas.



1 **Salih Ahmić**

Mehmedović:

Snaga bosanskog duha vodi nas NAPRIJED!

Poštovani,

svako od nas treba sebi postaviti logično pitanje: Zašto Naprijed?

Nakon agresije, Bosna i Hercegovina bila je duboko podijeljeno društvo, ali s ogromnim političkim kapitalom i ugledom u svijetu zbog vođenja odbrambeno-oslobodilački rat protiv mnoštva neprijatelja.

Etničku podjelu, koju su proizveli naši susjedi, vrijeme je dodatno učvrstilo, što je dovelo do podijeljenosti bh. društva u gotovo svim aspektima. Takvo stanje, u okvirima dejtonskog ustavno-pravnog uređenja, postaje neodrživo. Pozitivni politički kapital vremenom se topio da bi danas dostigao svoj minimum. Ujedinjenje bosanskog društva je imperativ političkog pokreta NAPRIJED. Najmanje što nas spaja je bosanska državnost, pripadnost državi Bosni i Hercegovini, a to nas je spajalo i kroz povijest.

Zašto NAPRIJED?

Zato što je status quo postao model koji će nas preskupo koštati kao državu. I danas smo zarobljeni u tom stanju, bez mogućnosti institucionalnog odgovora na izazove današnjice. Nove geopolitičke okolnosti i izazovi su pred Bosnom i Hercegovinom.

Naši mladi odlaze zbog pravne i životne nesigurnosti uzrokovane teškom političkom situacijom u Bosni i Hercegovini. Ne vide budućnost ovdje. Zato treba NAPRIJED! Dok cijene rastu, plate stagniraju. Ne oslanjajte se na statistike; pogledajte šta možete kupiti za svoju platu. Vrijeme je da se zapitamo idemo li u pogrešnom smjeru. Moralna obnova društva je imperativ današnjice u Bosni i Hercegovini! Elementarni moralni principi su obaveza svakog člana zajednice. Zato treba NAPRIJED! Pokret koji će politikom kvaliteta obezbijediti osnovne vrijednosti u političkom životu naše zajednice i promijeniti negativan pogled na politiku i političare. NAPRIJED je već drugačiji od ostalih!

ZAŠTO NAPRIJED?

Zato jer je MISIJA ovog pokreta upravo briga o svakom bh. čovjeku od rođenja do kraja života.

Djelovati kao opoziciona stranka u Bosni i Hercegovini i izaći na izbore, a s obzirom na opću ekonomsku i društvenu krizu, bez sumnje je "Sizifov posao".

No, postoji čuvena poruka Lava Nikolajeviča Tolstoja, ako se jedna grupa nečasnih ljudi domogne vlasti, nužno je da se nađe grupa časnih ljudi da im se suprotstavi.

Ovo bi mogao biti jak motiv da se neko danas, posebno mladi ljudi, odluči i odvaži politički angažirati. Bosna i Hercegovina je posebna zbog svog jedinstvenog uređenja temeljenog na Dejtonskom sporazumu. Kao tranzicijska postsocijalistička država, postala je hibrid komunizma i kapitalizma, bez socijalne osjetljivosti. Iako ima parlamentarnu demokratiju, vladajuće etničke oligarhije čine je autokratskom. Sadašnji vlastodršci izgradili su tri zasebna režima po etnonacionalnom konceptu. Trojka, odnosno ponašanje lidera ovih strana (SDP, NiP, NS), u bitnom se ne razlikuje od svojih prethodnika na vlasti. Jednostavno se čini kao da nema izlaza i rješenja ovog zamršenog čvora. Zato treba NAPRIJED! Alternativa mora dati nadu Bosni i Hercegovini te njenim građanima. Populizam je postao globalni trend, a razvojem društvenih mreža, ratnohuškačka retorika i govor mržnje u BiH ozbiljno su ugrozili multikulturalno naslijeđe naše zemlje.

I najvećim svjetskim umovima teško je definirati političke i ideološke trendove koji Bosnu i Hercegovinu vuku u srednji vijek. S pozicije teorije političkih doktrina vrlo je teško razvrstati stranke na lijevicu, centar i desnicu. Političke anomalije stvaraju defetizam i beznađe, pa malo idealista pokušava promijeniti situaciju. Nekolicina njih okupila se oko stranke NAPRIJED.

Vjerujemo u nesalomljiv bosanski duh, koji kroz historiju nalazi odgovore na sve izazove. Bosanski duh oživljava patriotizam i ljubav prema domovini, koju Bosanci svakodnevno iskazuju širom svijeta. Time je prožet Program pokreta NAPRIJED, kao i sve ono čime smo iznijeli viziju budućnosti naše domovine.

Naša hrabrost da politički djelujemo unatoč "nemogućim misijama" dovoljno govori o nama. Želimo pokazati da smo drugačiji, s inovativnim političkim narativom i iskrenim namjerama. Naša su mjerila drugačija jer težimo biti pokret časnih i odvažnih ljudi koji imaju hrabrosti da ODLUČNO krenu NAPRIJED!

Našoj domovini treba reset sistema i drugačiji kadrovski potencijal. Prije svega, treba joj društvo kompetencija i znanja, društvo poštenih i čestitih kadrova čiji je prag tolerancije na korupciju nulti.

E, zato NAPRIJED treba našoj domovini! Snaga bosanskog duha leži u našoj sposobnosti da prkosom i odlučnošću krčimo puteve koji vode NAPRIJED!

Zvijezde, koraci i novi početak: Otkrijte simboliku logotipa NAPRIJED!

Logo NAPRIJED! sastoji se od dva elementa: čovjeka i zvjezdica.

Prikaz čovjeka koji korača naprijed simbolizira posvećenost političkog subjekta NAPRIJED! ka napretku. Zvijezde predstavljaju našu domovinu Bosnu i Hercegovinu, a istovremeno simboliziraju i Evropsku uniju, kojoj NAPRIJED! nastoji pridružiti našu domovinu.

Sam tekst "NAPRIJED" na logu blago je nagnut prema naprijed, što dodatno naglašava dinamiku za iskorakom i izlaskom iz stagnacije i teškoća koje nas trenutno opterećuju.

NAPRIJED za nas nije samo riječ, već obećanje, poziv na akciju i poziv na buđenje kolektivne svijesti. Boje našeg logotipa – plava i žuta – odabrane su kako bi odrazile simboliku zastave Bosne i Hercegovine, ali i zbog njihovog dubljeg značenja. Plava boja povezuje se s povjerenjem, lojalnošću i stabilnošću, dok žuta simbolizira optimizam, nadu i novi početak. Zajedno, ove boje šalju poruku da je NAPRIJED! politički subjekt na kojeg se možete osloniti da Bosnu i Hercegovinu povede NAPRIJED!.

Država kao imperativ, sigurnost, moralna obnova društva, iseljništvo, ekologija, mladi, neki su od temeljnih principa na kojem mi iz pokreta NAPRIJED! gradimo viziju dostojanstvenog i sigurnog života za sve građane Bosne i Hercegovine. Naša misija je da, kroz političku scenu BiH, postanemo pokret za transformaciju i ozdravljenje bosanskohercegovačkog društva, brinući o svakom čovjeku od rođenja do kraja života.

Pozivamo sve građane da budu dio promjena, da pokažemo bosanski inat kada je najteže. Naša budućnost je onakva kakvu želimo. Snaga bosanskog duha leži u našoj sposobnosti da s prkosom i odlučnošću krčimo puteve koji vode NAPRIJED!



NAPRIJED BOSNA I HERCEGOVINA!

Zmaja od Bosne 7
71 000 Sarajevo
info@naprijed.ba
033/862 535
www.naprijed.ba